

QUÆSTIO MEDICA.



Quodlibetariis Disputationibus manè discutienda in Scholis Medicorum, die Jovis decimo Januarii.

M. ANTONIO LE MOINE, Doctore
Medico, Præside.

An statim à menstruorum effluvio concepti, firmioris valetudinis?

I.

UT ad vivendum eò majori actionum diversitate indiget animal, quò præstantius est: sic ad benè vivendum earumdem actionum integritate. Hanc firma valetudo optimum vitæ condimentum, efficit: quæ certam quamdam & determinatam partium constitutionem requirit, ut cùm à partibus exercentur actiones, eo modo eliciantur, quo partes dispositæ sunt. Sed cùm variae multiplicesque obiri debebant, varia fuit fibrarum structura & dispositio, quæ unione perfectâ mutuò coherentes, in unum conspirant, ut partes, & ex his totum corpus, idque sanum efficiant. In statu naturali permanente corporis fabricâ, ritè functiones obeuntur omnes. Fluidas partes in motum agunt solida. Hæc inter & illa naturale stat æquilibrium. Viget corpus. Ad hoc laudabilis sanguinis crasis, ipsius principiorum inter se iusta connexio. Solidorum assiduus eritus, alterna Systole & Diastole; Fluidorum continuus fluxus & indefinens. Tunc sanum & vegetum vivit animal. Verùm cave ne sanitatem, cùm in actionibus debite obeundis illucescat, ab ipso agendi actu existimes. Sanus est non qui debite actiones istas obit, sed qui potest obire, unde ab innatâ potius exprimi debet, eas quæ secundùm naturam sunt actiones exercendi potentiâ, à partium omnium naturali constitutione dependens.

I I.

PARTIUM constitutio ut & rerum cæterarum à materiâ quâdam dependet. Materiem duplicem habent naturâ eandem. Partes efformat una, efformatas altera nutrit & conservat. Illius nomine semen utriusque sexûs intellige. Seminis muliebri nomine ovum. Hoc in actum exierit maris semen. Particulis subtilioribus sanguini sese immiscet. Ipsiûs circulatorio motu ad ovulum deferretur. Ovi veluti consopita fluida exagitat. Animatum ovum, sicque jam procreatum animal nutrit albumen ovi, liquor in amnio contentus. Simili toto vitæ curriculo liquore nutritur, lymphâ fibrosâ sanguinis parte. Pro variâ alimenti qualitate, varia sanguinis crasis, varia solidorum dispositio, diversa totius corporis fabrica. Corporis animalis œconomia solidis & fluidis regitur. Ab utriusque sanitas & firma valetudo, nam ταῦτ' ἐστὶν ἡ φύσις τῆς σάρκατος & διὰ ταῦτα ἀγία & ὑγιεινή. Ut autem multum ad illam conservandam quibus alimentis nutriaris, interest: nam quales cibi, tales succi, qui licet in partium substantiam alterentur, eam tamen quam ab alimentis mutuati sunt qualitatem successionem temporis, iisdem partibus imprimunt: sic longè magis, quibusnam humoribus sis conformatus, si quam enim in se labem habeant, ita fortiter eandem partibus imprimunt, ut toto vitæ curriculo deleri vix possit.

I I I.

AD firmam illam valetudinem nativamque sanitatem, ex sanis parentibus & in ætate florenti constitutis procreari satis esse non credas. Quandiu factus in utero continetur, alimento opus habet, cujus in singulis partibus eò fortior impressio, quò diuturnior. Huic subministrando destinata fœmina, quam ideò frigidiorē effinxit natura. Hæc quòd tanquam naturæ tributum & vœdical aliquod singulis mensibus alio quàm graviditatis & lactationis tempore soleat ab utero per vasorum ἀνατόμων effluere, menstruus sanguis dictus est, plethora & tritus effectus. Flores etiam apud mulieres nuncupatur, quod & in primo juventutis flore, fructuum & fœcunditatis index, ipsas floridas non decolores & cachecticas reddat: tantis enim commodis illas beat, ut ipsi Deam aliquam Præsidem Fluoniam dictam finxerint veteres. Mulieribus non ita propria hæc evacuatio, quin & viris quibusdam accadat: sed ut eos mulierosissimos reddat: ita si supprimatur in mulieribus, has pilis & barbâ crescentibus, viris aliquando similes facit. Toto vitæ tempore non perdurat, certis enim spatiis & incipit & definit; de quibus nihil audeas decernere, ut nec de quantitate, quæ consuetudine potius & ὥσει, quàm heminis Atticis, aut libris Parisiensibus definienda. Uberius illæ purgantur quæ graciliores ac sanguineæ, fuscæ, πολυφαγὰ, οἰνοποτὰ, quæ sub regione frigidissimâ degunt, ac Veneri crebrius indulgent: Ad hanc enim ut ad concipiendum omni tempore mulier paratissima, licet illo facilius peragi soleat conceptio, quo natura vel sanguinem illum excrevit, vel sese ad excernendum accingit.

I V.

CUM uterus, licet illecebrosæ voluptatis sedes, sit veluti sentina & cloaca, in quam natura totius corporis sedes & inquinamenta commodè propter situm inferiorem demittit; menstruis effluentibus aut effluxuris, crispatis tunc fibris, & ad redundantem sanguinem expellendum dispositis, meatibusque magis apertis, copiosiori pravorum humorum fœdatur illuvie: Hinc, si generationem intendas, cum sani potius, quàm sexu vel individuo similis, debeas intendere; non nisi post menstruum effluvium, expurgato sordibus ab istis utero, conceptionem exoptes. Tunc temporis purior ad ovum allabitur sanguis, & inde fœtui purius, per totum etiam graviditatis tempus, alimentum suppeditatur. Nec putes aliàs impuriore portione derelictâ, fugi duntaxat ab infante puriorem. Hæc enim propter continuitatem & contagium, etiam si qua est, corrumpitur, malignamque qualitatem acquirit ob copiam ac moram in utero, quæ maior est & diuturnior in his quæ ante menstruum eruptionem concipiunt. Unde cum omnia quæ gravidis accidere solent symptomata, retentis à mensibus oriantur, magis in istis exacerbata sævient, majus igitur ciborum à quibus optimus fit sanguis, fastidium, rerumque noxiarum & hortendarum planè depravatus magis appetitus ille picaceus, & pejor inde ac ferè venenata cacochymia succrescet, non fœtæ tantùm, sed & fœtui perniciofa.

V.

AN adeò intemperantiæ & voluptati servies, ut nullâ liberorum habitâ ratione, illud omne tempus, quo libidinis æstro percitus es; generationi felicissimæ commodum arbitreris? Non-ne fuit ea semper naturæ lex, ut flores fructibus præmittantur? Uterus campus ille naturæ feracissimus sanguineo perfusus & irroratus imbre, pravâ jam omni labe repurgatus, Veneris appetens avidè semen recipit, & fœtum blando sanguine fovet ac nutrit, quod alio tempore suffocaret & obrueret; ita ut quæ menstruis erumpentibus, aut jamjam erupturis fiat conceptio, vel inanis, vel ad abortum paratissima, vel toto vitæ tempore debilis possit evadere. Sanguine quidem fœtus indiget, sed non tantâ copiam quâ solet ante menstrui sanguinis effluxum coacervari; hæc enim in quibusdam sterilitatis causa, cum ipsis cruenta vomitio prosit ad concipiendum. Robustos & valentes fœtus viragines & laboriosæ mulieres edunt, quæ multum sanguinis discutiunt: quibus etiam nunquam fluxère, fœtui quod necessarium est suppeditant, redundant non opprimunt. Ut igitur crudus, impurus & imperfectus sanguis, qualis propter exuberantiam, humorum per parentes ductus ruentium impetum & motus per decliviora facilitatem, solet esse qui jam effluit, vel effluxurus est, non tantùm frigidam & humidam, ideòque à sanitate perfectâ defloccentem intemperiem inducit, sed ipsa seminis principia obruit & obtrundit; ita repurgatus, tum crudiore portione, tum quantitate detractâ, embrioni nutrimentum idoneum suppeditat, & salubriori nutritione ovi principia

exfufcit, ficque functiones omnes ⁴perbellè exercentur, excrementa debitè ex-
cernuntur, tolluntur morborum cauſæ, & longæ perfectæque ſanitatîs, ac firmæ
valetudinîs firmamenta conſtituuntur.

Ergo ſtatim à menſtruorum effluvio concepti, firmioris valetudinîs.

Domini Doctores diſputaturi.

M. Joannes-Francifcus Giot.	M. Petrus-Antonius Lepy.	M. Andreas Creſſé.
M. Francifcus-Antonius le Dran.	M. Elias Col de Vilars.	M. Armandus-Joſeph Collot.
M. Antonius le Moine, Aſſûs Moderator,	M. Henricus Beſnier.	M. Philippus Caron.

Proponebat Pariſiis JACOBUS - PHILIPPUS DAVIER
DE BREVILLE, Pariſinus, Baccalaureus Medicus,
A. R. S. H. 1715. die 10 Januarii.

Typis JACOBI QUILLAV, Univerſitatîs, & Facultatîs Medicinæ
Typographi,